



TOSHKENT DAVLAT YURIDIK UNIVERSITETI REKTORINING B U Y R U G ' I

09.06.2023

93-um-son

O‘zbekiston Respublikasi Prezidentining 2023-yil 8-maydagi PF–67-son Farmoni ijrosi to‘g‘risida

O‘zbekiston Respublikasi Prezidentining 2023-yil 8-maydagi PF–67-son “Yangi tahrirdagi O‘zbekiston Respublikasi Konstitutsiyasini amalga oshirish bo‘yicha birinchi navbatdagi chora-tadbirlar to‘g‘risida”gi Farmoni, O‘zbekiston Respublikasi oliy ta’lim, fan va innovatsiyalar vazirining 2023-yil 12-maydagi “O‘zbekiston Respublikasi Prezidentining 2023-yil 8-maydagi PF–67-son Farmoni ijrosi to‘g‘risida”gi 142-son buyrug‘i hamda O‘zbekiston Respublikasi Adliya vazirining 2023-yil 19-maydagi “O‘zbekiston Respublikasi Prezidentining 2023-yil 8-maydagi PF–67-son “Yangi tahrirdagi O‘zbekiston Respublikasi Konstitutsiyasini amalga oshirish bo‘yicha birinchi navbatdagi chora-tadbirlar to‘g‘risida”gi Farmoni ijrosini ta’minlash haqida”gi 101-um-son buyrug‘ida belgilangan vazifalar ijrosini ta’minlash, yangi tahrirdagi O‘zbekiston Respublikasi Konstitutsiyasi mazmun-mohiyatini joylarda keng targ‘ib qilish ishlarini tizimli yo‘lga qo‘yish maqsadida

B U Y U R A M A N:

1. O‘zbekiston Respublikasi Prezidentining 2023-yil 8-maydagi PF–67-son Farmoni, O‘zbekiston Respublikasi oliy ta’lim, fan va innovatsiyalar vazirining 2023-yil 12-maydagi 142-son buyrug‘i hamda O‘zbekiston Respublikasi Adliya vazirining 2023-yil 19-maydagi 101-um-son buyrug‘i ma’lumot va ijro uchun qabul qilinsin.

2. Farmonda belgilangan vazifalar yuqori saviyada tashkil etilsin hamda yangi tahrirdagi O‘zbekiston Respublikasi Konstitutsiyasi mazmun-mohiyati universitet xodim va talabalari o‘rtasida hamda joylarda keng targ‘ib qilinsin.

3. Toshkent davlat yuridik universiteti (bundan buyon matnda – Universitet) hamda TDYU huzuridagi M.S.Vosiqova nomidagi akademik litsey (bundan buyon matnda – akademik litsey)da haftaning har payshanba kuni “Konstitutsiya kuni” etib belgilansin.

4. O‘quv-uslubiy boshqarma (Registrator ofisi) (S.Bozorov) fakultet dekanlari va kafedra mudirlari bilan birgalikda:

Konstitutsiyaviy huquq moduli bo'yicha o'quv rejalari va ta'lim dasturlarini qayta ko'rib chiqib, ularni yangi tahrirdagi Konstitutsiya norma va qoidalariga moslashtirilishini ta'minlasin;

o'qitiladigan fanlar mazmunini, shu jumladan o'quv dasturlarini, o'quv adabiyotlari (darslik va o'quv qo'llanmalar)ni yaratishda yangi tahrirdagi O'zbekiston Respublikasi Konstitutsiyasi mazmunidan kelib chiqib tegishli o'zgartirishlar kiritilishini ta'minlasin.

5. Konstitutsiyaviy huquq kafaedra (I.Bekov) yangi tahrirdagi O'zbekiston Respublikasi Konstitutsiyasini mazmun-mohiyatini o'rganish bo'yicha oliy va professional ta'lim tashkilotlari, akademik litseylar uchun o'quv dasturi va multimedia materiallarini hamda test savollari bazasini tayyorlab Oliy ta'lim, fan va innovatsiyalar vazirligiga hamda Adliya vazirligining yuridik texnikumlariga taqdim etish choralarini ko'rsin.

6. Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonov:

Farmonda belgilangan vazifalar ijrosini universitetda yuqori saviyada ijro etilishini nazoratga olsin;

Universitet va akademik litseyda Konstitutsiya kunlarida yangi tahrirdagi O'zbekiston Respublikasi Konstitutsiyasi mazmun-mohiyatini keng targ'ib qilinishini va bu jarayonda malakali professor-o'qituvchilarni jalb qilish choralarini ko'rsin;

Jamoatchilik va OAVlari bo'limi (J.Haydarov) tomonidan professor-o'qituvchilarni hamda talabalarni jalb qilgan holda yangi tahrirdagi O'zbekiston Respublikasi Konstitutsiyasi mazmun-mohiyati yuzasidan infografikalar, videoroliklar tayyorlab universitetning Internetdagi sayti va ijtimoiy tarmoqlardagi sahifalarida joylashtirishini nazorat qilsin;

Universitet jamoasi tomonidan yangi tahrirdagi O'zbekiston Respublikasi Konstitutsiyasi mazmun-mohiyatini joylarda keng targ'ib qilish bilan bog'liq targ'ibot tadbirlarini tashkil etilishini ta'minlasin;

yangi tahrirdagi O'zbekiston Respublikasi Konstitutsiyasi yuzasidan talabalar o'rtasida turli tanlovlar va loyihalar o'tkazilishini nazoratga olsin.

7. Mazkur buyruq ijro nazoratini o'z zimmamda qoldiraman.

Rektor v.v.b.



I.RUSTAMBEKOV

Kiritildi:

Direktor

SH.PO‘LOTOV



Kelishildi:

Yoshlar masalalari va ma‘naviy-
ma‘rifiy ishlar bo‘yicha birinchi
prorektor

A.XASHIMHONOV



Katta yuriskonsult

A.TURSUNOV



Boshqarma boshlig‘i

S.BOZAROV



Bo‘lim boshlig‘i

S.MAMANAZAROV

